

noster Joseph quasi arcus refulgens inter nebulas gloriæ, quasi flos rosarum in diebus vernis et quasi ignis effulgens et thus ardens in igne Joseph. Itaque si roges qualisnam vir fuerit Joseph? Paucis respondeo; fuit adjutorium simile Virgini Deiparæ. —*Barrad.*— De Joseph et ratio suadet eua quod facialis forma, Jesu formæ similis fuisse reputanda est. Si non quo pacto pater ejus creditus esset? Qualiter omnino Matris salvasset honorem? Ergo valde sibi similis quod gratia, non caro fecit.—*Barrad.*

Nos hæc sublimia, &c.

R Deo gratias.

R Nostro divino Josepho Filius Dei subditus fuit. *Et Josephum Mater Dei tenerrime dilexit. ¶ Ut Sponsum agnovisset, et ut Dominum coluisset; quia fuisset ab initio sui esse omnino immaculatus.—Et Josephum....

LECTIO II.

Noster Joseph post Christum et Virginem fuit pulcherrimus.

Sanctissimus Joseph fuit ita pulcherrimus, et ita optime in corpore dispositus, quod post Virginem Matrem, nullus fuit Christo similior: Joseph fuit ergo Christo similior inter omnes homines et per consequens fuit formosissimus. Naturalissimum est omnibus viventibus generare sibi simile, quod non solum verum habet secundum speciem essentiam, sed etiam accidentia corporalia, scilicet, pulchritudinem, staturam, sanctitatem, infirmitatem et similia; et sicut leprosus generat leprosum et ætiops ætiopem, ita pulcher generat pulchrum. Sed David erat pulcher aspectu, et Salomon, Absalon et Thamar et alii ejusdem stirpis fuerunt pulchri et formosi; ergo

beatus Joseph qui fuit ex progenie pulchra David, fuit revera pulcher, imo et pulcherrimus fuit, ne pulchritudo rerum divinarum in deformitatem terminatam fuisse dicamus. Opera Dei perfecta sunt, sed Deus beatam Virginem ab æterno in Matrem suam elegit et Joseph in virginalem Patrem; sed beata Virgo Sanctissimi Josephi Sponsa fuit pulcherrima; ergo, ut Dei opera in hoc particulari essent perfecta Sanctissimus Joseph Sponsus ejus, debuit esse in pulchritudine Sponsæ similis. Probatur etiam respectu finis, ad quem ordinatum fuit matrimonium inter Virginem et Josephum, scilicet, ad debite honorandos almos parentes Christi; ergo, si Christus Dominus speciosus fuit super filios hominum, tum Maria, tum Joseph, tamquam parentes virginales, debuerunt esse similes Christo, id est, perfectissime pulcherrimi; et si Maria fuit tota pulchra in anima et corpore, ita noster immaculatus Joseph fuit totus pulcher et pulcherrimus.

Nos hæc sublimia, &c.

R Deo gratias.

R Domino nostro Jesu Christo erat similis Joseph in facie et in ceteris, dispositionibus corporalibus.* Quia nisi inter staturam et effigiem Christi et Joseph fuisset similitudo. ¶ Non esset reputatus a Judæis eius filius. Quia nisi....

LECTIO III.

Josephi corpus pulcherrimum fuit propter animam.

Individuatio est de substantia individui, sed anima individuatur per ordinem ad corpus; ergo, quo melius fuerit corpus, melior erit anima; sed anima immaculata et sanctissima nostri Josephi, fuit ab æterno

a Deo electa, et donis convenientibus et gratis ornata, ut posset esse dignus Virginis Sponsus; ergo, tali animæ pulchræ, tale corpus pulchrum, dicente divo Ambrosio, species corporis similis est mentis, figuraque probitatis. Non dubium profecto, nostro Josepho Puerum Jesu manu ducenti multoties contigisse, et quando deferret illum speciosum præ filiis hominum, omnes commovebantur ad videndam pulchritudinem Pueri Jesu; et etiam ad videndam pulchritudinem nostri Sanctissimi Josephi, quia scriptum est, Joseph decorus aspectu, filiae discurrerunt super murum. Si Ægyptii quando audiebant adventum Joseph, currebant ad fœstras et super muros, unde possent eum videre, propter ejus gratiositatem; sic nec dubium est, quin beata Virgo et beatus Joseph a multis rogati, cujus esset puer ille candidus et rubicundus, electus ex millibus, respondebat uterque, sicut et etiam præcipue Sanctus Joseph: Filius meus est. Ita certissimum est, tam in Virgine quam in Josepho perfectissima similitudo in facie, et pulchritudine cum Christo Domino esset conveniens et requisita. Ergo Joseph, Josepho Patriarcha pulchrior est; ergo Josephi corpus pulcherrimum fuit propter ejus sanctissimam animam.

Nos hæc sublimia, &c.

R Deo gratias.

R Sanctitas Christi Domini, ac Virginis ac Josephi pulchra est, *Domine, dilexi decorem domus tuæ, et locum habitationis gloriæ tuæ. ¶ Ergo asserendum est Josephum pulcherrimum fuisse ut Christus candidus et rubicundus, ut Virgo pulcherrima.—Domine....

LECTIO I.

—EX DOCTORIBUS.—

Fuit Joseph de stirpe nobilissima Abrahæ ac David, quibus facta est repromissio Christi nascituri: non fuit autem inventus similis Joseph in filiis eorum qui fuerant præstantiores cæteris hominibus mundi.—*Isid.*—Fuit conveniens ex parte nostri ut Sanctus Joseph tantæ fungeretur conjugii.—*Isid.*—Joseph tempore desponsationis beatæ Virginis fuit juvenis; quia Sponsam Sponso decet esse coævam; et si beata Virgo fuit tunc junior; credibile igitur est Joseph tunc fuisse juvenem.—*Isid.*—Desponsata fuit beata Virgo ut sacramentum Filii Dei etiam occultaretur; ut ab hominibus putaretur esse filius hominis; igitur fuit juvenis.—*Isid.*

Nos hæc sublimia, &c.

R Deo gratias.

R Sicut beata Virgo Maria, Mater Dei est et Mater nostra.*Sic noster divinus Joseph Pater Dei est et etiam Pater noster. ¶ Et consequenter omnium nostrum charissimus Pater. Sic....

LECTIO II.

De peccato originali.

Est autem originale peccatum, quædam inordinata dispositio habitualis proveniens ex dissolutione illius harmoniæ, in qua consistebat ratio originalis justitiæ: sicut etiam ægritudo corporalis, est quædam inordinata dispositio corporis, secundum quam solvitur æqualitas in qua consistit ratio sanitatis. Unde peccatum originale, languer naturæ dicitur. Ad reductionem autem peccati originalis, nihil aliud re-

quiritur, nisi ut homo per veram generationem ab Adamo descendat. Hoc enim ipso, quod aliquis in lumbis Adæ fuit, isque præceptum in paradiso transgredéretur, atque in illo ejus peccato communicavit! Hac de causa catholicæ fidei veritatem esse indubitata, peccatum vere ac proprie dictum in Adæ posteros per generationem derivari. Quod satis expresse patet de Sacra Scriptura: Sicut per unum hominem peccatum in hunc mundum intravit, et per peccatum mors; et ita omnes homines mors pertransiit, in quo omnes peccaverunt.—Eramus nos natura filii iræ.—Nemo mundus a sorde, neque infans cujus est unius diei vita super terram. Ergo omnes peccatum contrahimus, in illo enim primo ut in activo principio. Ergo Adæ peccatum, commune fuit omnibus, et ideo illo peccante, in illo omnes peccavimus, et ideo Apostolus id dixit loquens de Adamo in quo omnes peccaverunt. Sed utrum Sanctissimus Joseph singulari Omnipotentis Dei beneficio potuisset esse conceptus absque peccato originali, Deus scit.

Nos hæc sublimia, &c.

R Deo gratias.

R Quoniam tu, Deus Omnipotens, prævenisti eum in benedictionibus dulcedinis.*Quia, tu Deus susceptor meus es, et misericordia tua præveniet me. ¶ Salvasti de necessitatibus animam meam, nec conclusisti me in manibus inimici, et statuisti in loco spatioso pedes meos. Quia tu Deus....

LECTIO III.

Quomodo contrahi possit peccatum originale.
Tribus modis peccatum primi parentis cum filii ejus communicari possit. Primo enim, dicuntur

Adæ filii in ipso Adamo peccavisse, cum ille præceptum Domini in paradiso transgressus est, et quoniam tunc non erant ipsi in actu, sed in potentia; ideo quoque peccatum tunc non actu, sed potentia contraxerunt, quia non in se, sed in parente subsistebat. Secundo, dicuntur in peccato concipi omnes Adæ filii, cum primum fœtus in utero matris existere incipit, quia revera ante animationem tunc incipit homo existere ratione unius suæ partis, modo dicuntur filii in uteris matrum nomen mensibus gestari; et pars illa ex corrupta natura originem habet, et vitiata recte nominari potest; atque ei ex vi suæ generationis debetur, ut cum primum anima rationalis sortita fuerit, inde existat homo peccator, et iræ divinæ filius, ideoque dicuntur homines tunc primum in iniquitatibus concipi et generari. Tertio, dicuntur homines concipi in peccato, cum animæ corporibus inspirantur, tunc enim incipiunt proprie et reipsa esse homines, et habere voluntatem originali justitia denudatam, a Deo aversam et deformem. Quæritur ergo, utrum Sanctissimus Joseph non peccaverit in Adamo. Cur prohibitio de non gustando fructum prohibitum, ad eum non pertinebat? cur non in lumbis Adæ originem habuerit ex natura corrupta? cur anima nostri Josephi in primo instanti suæ creationis et infusionis in corpore fuerit sine macula originali? Deus scit.

Nos hæc sublimia, &c.

R Deo gratias.

R Utinam persona nostri Josephi numquam actu existens peccatum habuerit.*Neque peccatum mortale, neque veniale. ¶ Et semper sine labe originali conceptus. Neque peccatum....

—DIA 31 DE MAYO.—

LECTIO I.

—EX DOCTORIBUS.—

Joseph electus fuit a Deo in tali ætate in qua posset beatissimæ Virgini deservire ac Christo infanti: Juvenis ergo tunc fuit Joseph. Etiam scriptum est: Habitavit juvenis cum Virgine, id est, Joseph cum Maria juxta glosam quam sequuntur omnes fere divinarum litterarum interpretes. Igitur Sanctus Joseph tunc fuit juvenis.—*Isid.*—Divinæ litteræ virum Mariæ Joseph vocant, ut illius ætas designetur; vir enim a virilitate dicitur: Joseph autem tunc illius erat ætatis qua gravitate, prudentia, ac fortitudine vigit; ætas virilis conveniebat ætati beatæ Virginis, ut maritus esset vir; cujus pudorem in tantum dilexit Dominus: Joseph igitur tunc vir fuit. Denique etiam dicendum est, quod Sanctus Joseph fuit juvenis, florida ætate, non annorum paucitate.—*Isid.*

Nos hæc sublimia, &c.

R Deo gratias.

R Noster immaculatus Joseph,*Ita est verus virginalis Pater Christi. ¶ Ut omnes Paternitatis titulos qui reperiri possunt, in se ipso revera habet.—Ita est....

LECTIO II.

*Christus Dominus essentialiter non contraxit
—peccatum originale.—*

Solus Christus Dominus est verus Deus et verus Homo, fuit, immunis proprio jure et ex natura sua a contractione peccati originalis. Hac de causa dicebat Divus Lucas; Ideoque et quod nascetur

ex te Sanctum, vocabitur Filius Dei. Et Mattheus etiam agebat; Quod in ea natum est, de Spiritu Sancto est. Non est in filiis hominum quisquam sine peccato, excepto uno mediatore nostro. Teneamus ergo fidei indeclinabilem confessionem, quod solus Christus sine peccato natus est in similitudinem carnis peccati. Ad distinctionem nostræ sanctitatis, Jesus sanctus, sanctissimus singulariter nasciturus asseritur. Nos quippe, etsi sancti efficiamur, non tamen nascimur, quia ipsa naturæ corruptionis conditione constringimur, ut merito cum propheta gementes singulari dicamus: Ecce enim in iniquitatibus conceptus sunt. Christus vero fuit segregatus a peccatoribus, quantum ad participationem cum eis in peccato, quia talis segregatio erat essentialiter necessaria, cum non capax sit illius ex peccati macula. Et hoc etiam factum est ita, ut si daremus Christum Dominum fuisse conceptum more aliorum hominum quod nullo modo sane deceret, adhuc peccatum originale non incurrisset. Quia licet conceptionis modus id efflagitasse, suppositum tamen divinum, omnem peccati maculam celesti majestate depulisset. Ideoque solus per omnia ex natis de femina Sanctus Dominus Jesus essentialiter abfuit a peccato originali

Nos hæc sublimia, &c.

R Deo gratias.

R Jesus fuit essentialiter sine macula originali, quia ab illo instanti suæ conceptionis.*Ille homo fuit lumen de lumine et Deus de Deo. ¶ Quis enim essentialiter iustus cum iniquitate? aut quæ societas lucis ad tenebras. Ille homo....

LECTIO III.

*Deipara per privilegium non contraxit
—peccatum originale.—*

Quare potsquam intermisimus in humilitate et jejunio, privatas nostras et publicas Ecclesiæ preces Deo Patri per Filium ejus offerre, ut Spiritus Sanctus virtute mentem nostram dirigere et confirmare dignaretur, implorato universæ cœlestis curiæ præsidiō, et advocato cum gemitibus Paraclito Spiritu, eoque sic adspirante, ad honorem Sanctæ et individue Trinitatis, ad decus et ornamentum Virginis Deiparæ, ad exaltationem fidei catholicæ et christianæ Religionis augmentum, auctoritate Domini nostri Jesu Christi, beatorum Apostolorum Petri et Pauli ac nostra, declaramus, pronuntiamus et definimus: Doctrinam quæ tenet beatissimam Virginem Mariam fuisse singulari Omnipotentis Dei gratia et privilegio, intuitu meritorum Christi Jesu Salvatoris humani generis, ab omni originalis culpæ labe, præservatam immunem, esse a Deo revelatam, atque idcirco ab omnibus fidelibus, firmiter, constanterque credendam. Quapropter si qui secus ac nobis definitum est, quod Deus avertat, præsumperint corde sentire si noverint ac porro sciant se proprio judicio condemnatos, naufragium circa fidem passos esse, et ab unitate Ecclesiæ defecisse.

Nos hæc sublimia, &c.

R. Deo gratias.

*R. Nostra Deipara Maria per privilegium singulari, sicut Mater Dei, non contraxit peccatum originale. *Quia Deus Omnipotens præcinxit me virtute et posuit immaculatam viam meam. * In hoc cognovi quoniam tu Dominus Deus voluisti me, quo-*

niam non gaudebit macula peccati originalis super me. Quia Deus. . .

MES DE JUNIO.

—DIA 1º—

LECTIO I.

—EX DOCTORIBUS.—

Joseph fuit legitimæ nativitatis Christi tutor; ex Matre temporali ortus legitimi scutum, hac de causa quanta auctoritate apud Deum et angelos effulsisse Sanctum Josephum credendum est?—*Isid.*—Joseph fuit Christi Pueri contra insidias diaboli defensor, Magna profecto erat et mortalibus inexplicabilis virtus Josephi; et vis quæ vehementiora diaboli nocumenta superare poterat, cui incognitas Joseph virtutes Deus Omnipotens opposuit.—*Isid.*—Quam fortis, quam excelsus, quantaque fulgebat prudentia Joseph, qui adversus fortissimum, callidissimum ac nequissimum diabolum, Filium Dei infantem et puerum protexit ac defendit! Opressæ enim fuit mens diaboli a magestate prudentiæ Joseph.—*Isid.*

Nos hæc sublimia mysteria mirantes, et ut finem huic divinæ lectioni apponamus, ex toto corde et ex tota anima nostra dicere volumus: Jesu, Maria et Joseph cor et animam meam trado vobis; esto mecum in ultimo agone; et cum pace et vobiscum spiret anima mea.

R. Deo gratias.

*R. O quoties Joseph infantem Jesum, brachiis gestabat ejus amore languens. *O quoties jam loquenti*